

乙丑七月十日孫師鄭贈於都門傭識

漫社二集

壬戌十月
韞壚題

燭

二

社

燭

題詞

讀漫社詩集感賦呈鄭齋吏部教

俞鍾鑾金門

陵。轢。離。騷。與。九。章。元。音。字。宙。幾。低。昂。搖。搖。禾。黍。天。難。問。燦。燦。春。秋。詩。未。亡。幸。不。黃。流。沈。白。馬。已。看。赤。野。又。紅。羊。寒。空。兵。氣。銷。何。自。風。雅。能。爲。日。月。光。

奉題漫社二集七律二首

宗 威子威

不。作。天。涯。汗。漫。遊。詩。壇。亦。有。小。春。秋。從。容。託。迹。書。叢。蠹。去。住。無。心。海。上。鷗。詩。向。夢。梁。篇。裏。索。事。從。人。海。集。中。搜。建。安。諸。子。多。才。思。莫。笑。論。文。筆。不。休。酒。榼。詩。筒。往。返。頻。春。明。雅。集。倍。相。親。良。宵。只。可。談。風。月。排。日。偏。宜。迭。主。賓。續。筆。容。齋。多。掌。故。題。襟。柯。古。證。前。因。京。華。冠。蓋。休。憔悴。也。有。名。山。嘯。傲。人。

前題

徐兆璋虹隱

著。錄。先。成。甲。乙。編。長。歌。省。識。十。三。賢。師鄭有漫社十月月。泉。首。列。維。公。福。崑。體。肩。隨。楊。大。年。天。寶。時。妝。非。世。俗。貞。元。朝。士。半。華。顛。桑。田。瞬。息。經。三。變。便。是。麻。姑。也。惘。然。十。載。頽。輪。大。雅。扶。名。賢。小。集。陋。江。湖。長。安。世。事。悲。棋。局。白。社。風。流。擅。酒。壚。廣。樂。饗。秦。天。

亦。醉。銅。僊。辭。漢。淚。先。枯。瀟。瀟。晦。雨。雞。鳴。感。尚。有。同。聲。響。應。無。

漫社二集序

社集讌飲賦詩。託始於建安七子。厥後永和修禊。流觴分詠。風流文采。照耀千秋。然僅值良辰而招吟侶。非必月有集。旬有課也。唐之詩人。因事讌會。亦多以韻語互相唱酬。有清康雍以來。越中厲樊榭。杭堇浦。符幼魯諸先生。主持壇坫。月有贈答。西泠諸子。爲世豔稱。嘉道而降。此風尤盛。在京則有宣南詩會。潘功甫主之。初會凡九人。陳碩士朱蘭坡。梁荊林。程春海。錢衍石。張詩舲。俱在其列。其非京朝官而與於斯會。不在九人之列者。則有陶文毅。林文忠。胡墨莊。黃霽青諸公。詩會飲酒之費。皆陶文毅所寄。社課雖未刻有專書。而披覽諸家遺集。名作如林。尙可考見。功甫南歸後。自題宣南詩會圖。有句云。衣冠袞袞私榮遇。文字區區見苦心。蓋實錄也。在浙則有清尊集。汪小米主之。例以賓主八人輪值。每集作竟日之叙。題則主人命之。月凡一舉。小米卒後。其弟又村刻社課十六卷。名曰清尊集。吳仲倫序云。是集迭爲主者。雖僅有八人。而浙東西千里間知名之士。以及寓公過客之嫻吟事者。咸在而閨秀之遙同者。亦附錄焉。今觀集中如湯貞愍。戴文節。張仲雅。嚴鷗盟。張叔未。吳仲雲。梁晉竹。端木鶴田諸名人。咸有撰述。蓋

不獨其詩可傳。其人亦各有千古矣。辛酉季夏。都門朋好有漫社之集。月舉二次。初僅十人。後又遞增三人。張君北墻年最長。實主其事。以齒之先後。迭爲賓主。至壬戌孟春。凡十四集。主社課者數適一周。因付寫官。定名曰漫社集。黃君申甫任編校之役。迄於仲秋上旬八日。舉行第三十一集。主社課者數已再周。擬再付寫官。定名曰漫社二集。其編校之役。則由不佞任之。同人并督爲弁言。余惟世變之亟。至今日而極矣。十年以來。立黃戰野。陵谷易位。魚鼈蛟龍。萬怪惶惑。吾儕迂拘之士。誠未能測其所屈。然干戈軍旅。猛鷲暴戾之氣。必以詩書俎豆之澤化之。此固古今中外一定不易之理。可操左券以俟之也。孔子論詩。特揭興觀羣怨之義。漫社十餘人。言論志趣。縱有不同。而求友嚶鳴。同聲相應。感物有作。斐然成章。固均無悖於興觀羣怨之旨。惟余賦性偏激。時或不免漸離變徵之音。然板蕩民勞。繁霜十月。竊附於小雅之怨。誹所謂言之者無罪。聞之者足以戒也。世運有剝。必有復。天下之生有亂。必有治。吾輩枕經籍書。委蛇俯仰。幸而遭際時會。發抒蘊蓄。則以陶文毅林文忠爲師。不幸身罹百憂。見危臨難。則以湯貞愍戴文節爲法。即令優游圖史。流連文酒。以終老亦當步碩士春海墨莊仲雲叔未鶴。

田諸君子之後塵而未遑多讓焉炳燭宜勤分陰可惜願與同社諸子共勉之而已壬戌仲秋之月常熟孫雄序

社友題名

張朝墉字北牆一字白翔號半園四川奉節人咸豐庚申四月初三日生六十三歲

蕭延平字北承自號武湖漁隱湖北黃陂人咸豐庚申八月二十日生六十三歲

陳瀏字亮伯一字孝威號寂者又號垂叟江蘇江浦人同治癸亥十一月十五日生六

十歲

賀良樸字履之號簣公湖北蒲圻人同治甲子九月初一日生五十九歲

成多祿字祝三一字竹山號澹堪吉林吉林人同治癸亥十二月初八日生六十歲

孫雄

原名同康

字師鄭號鄭齋江蘇常熟人同治丙寅七月十七日生五十七歲

黃維翰字申甫號稼溪江西崇仁人同治丁卯三月十八日生五十六歲

周貞亮字子幹號退舟湖北漢陽人同治庚午二月十六日生五十三歲

程炎震字篤原一字病篤號頓遲安徽歙縣人光緒乙亥四月二十九日生四十八歲

壬戌八月
逝世

陳士廉

原名士苞

字翼牟自號南眉居士湖南湘鄉人光緒丙子六月初二日生四十七歲

路朝鑾字金坡號瓠盦貴州畢節人光緒己卯十一月二十日生四十四歲

向迪琮字仲堅四川雙流人光緒庚寅七月十三日生三十三歲

曹經沅字纓蘅四川綿竹人光緒辛卯九月十七日生三十二歲

編次略例六則附錄如左

一行款體例悉依前集仍分上下兩卷惟加圈點以醒眉目

一前集題下均用別號今改書姓名從清尊集例也

一同人詩稿有於付印後交到者別爲補遺一卷仍以課題前後爲次

一附錄社外詩友諸作均依前例低格鈔寫以示區別

惟原低二格今改爲低一格

一每課向例均首錄直社之作餘則以齒爲序惟收卷有遲速之殊故先後不無互易

一前集無目錄不便檢尋今以課題依次編目

詩皆社友之作無須細列

目并將前集社題補編一

目附於本集目錄之後

漫社二集詩題目錄

第十五集 題曾文正手批文選

第十六集 哀絃吟題詞

第十七集 三月三日公園水榭修禊

第十八集 題半園圖

第十九集 壽半園老人

壬戌四月三日

第二十集 漫社雅集即事

和寂者年字韻

第二十一集 銷夏八詠

第二十二集 題遜園圖

第二十三集 名賢生日詩題詞

以上卷上終

第二十四集 漫與

第二十五集 燕臺雜感

七律不拘韻

第二十六集 夏蟲分詠

第二十七集 秋花四詠

牽牛雞冠晚秋海棠香玉

第二十八集 北海紀遊

第二十九集 林貞孝事略題詞

第三十集 題向仲堅望雲涉險圖

第三十一集 題曹纓衡春曹話舊圖

第三十二集 挽程篤原

以上卷下終

二集共分上下兩卷又有補遺一卷次序亦與此相同

前集詩題目錄補列左方

第一集 題鄧世寧聚瑞圖

第二集 題楊忠愍墨蹟

第三集

集涂氏瑞芝書屋和半園

第四集

題賀履之千巖萬壑圖

第五集

辛酉九月九日遙集樓登高

第六集

題孫訥夫太守畫冊

並佛雲石圖

第七集

秋感和王晉卿韵

以上卷一終

第八集

五百家駢體文萃題詞

第九集

宋君仲微汪君叔厚錄社詩甚勤賦詩贈之

第十集

題陳翼牟嶽蒼湘碧圖

第十一集

題路金坡仙山濯髮圖

第十二集

題向仲堅柳谿詞稿

第十三集

人日集澹堪廬齋

和韵首

第十四集

壬戌正月十九日爲東坡補祝生日

以大江東去浪淘盡千古風流人物分韵賦詩以上卷二終

前集中第六集題爲題先高高祖太守公畫冊及佛雲石圖尙有社外諸君所作因寄到較遲前集付印時未及編入茲謹附錄二集補遺之後癸亥正月孫雄記

漫社二集卷上

漫社第十五集

壬戌正月初八日得曾文正手批文選既爲之跋復賦數詩徵求同人賜和

周貞亮

破廟掛殘瓦。遺珠出敝函。鳴原恢舊論。選巷補叢譚。書爲公手批以貽其弟慇烈公國華物淚竹冰千點。

寒梅月廿三。題識言壬子歲奉諱里居束書不讀幾兩月矣偶檢文選盡十日之功而評識之以勗溫弟按年譜公是歲八月廿三日抵家此書當成於十月二

後十以何因餘斷墨。流播大湖南。

近古文章伯。湘鄉號大師。手抵班馬賦。心醉楚騷辭。素業傳巾笥。丹鉛避硯池。全書批圈皆用

藍筆間有不關嚴勒帛。珍重棘闈時。考官例用藍筆時公以簡放江

凡事從求闕。於書不厭完。全書六十卷首尾完具濡毫三萬字。敝紙一千端。全書九百七十三葉寫批約近三萬言

間道方扶杖。慈塋罷掩棺。墨痕與清淚。終古想沈瀾。

狂賊紛如蟻。家山正苦兵。公歸時粵賊方園攻長沙賊十旬才息影。九命已專征。墨經從戎感。青氈戀

舊情。懸知精爽在。蟬蠹不能生。

百戰收全局。門才冠等倫。通侯原學究。哲弟亦勛臣。烈公挽聯一卷心猶炯。三河骨已

淪。當年期望意。廟食竟千春。烈公於咸豐八年戰歿。三河賜諡建祠。

我自文人習。年年購選材。近擬爲文選李注撰疏搜集直愁珠舶盡。頃方借鈔得石首傳上瀛文選珠船

一種肯負寶山回。疑有奇緣合。收從故字堆。平生鉛槧意。未敢付蒿萊。公自爲評語擬採入選疏

題曾文正手批文選次退舟原韵

蕭延平

丞相家居日。遺編啓故函。分陰珍士行。古學嗜桓譚。註校先臣六。名垂不朽三。那堪七十載。戰禍又西南。

鬻子開南服。學爲帝者師。荊衡鍾秀氣。屈宋繼葩辭。耆舊傳襄鄧。春秋紀習池。湘鄉遺響嗣。焜耀道咸時。

嶺外黃巾起。十城九不完。羽書馳萬里。心緒觸千端。星使方持節。護闈痛撫棺。倉皇仍整暇。氣足靖狂瀾。

十載共和夢。湖湘屢用兵。有時謀北伐。無日不南征。幸未斯文喪。留酬好古情。知君精選學。因果證三生。

骨肉關懷切。賢哉第五倫。多文期介弟。大將出詞臣。意擬青藍勝。心傷碧血淪。退翁今轉進。有調續陽春。

駢文編集後。選學萃多材。名字瑜兼亮。知聞賜望回。遺經搜虎觀。絕塞歷龍堆。司馬心胸拓。恆蹊闢草萊。

退舟購得曾文正手批文選賦詩索和並屬作廟市得選圖依韵題詩六首

賀良樸

我識周公瑾。藏書擅秘函。校讐欽章述。淹貫擬桓譚。諸子流分九。神仙字食三。何期枕中寶。傳播自湘南。

海錄尋常本。評論集衆辭。出藍期哲弟。點墨是良師。神敏嗣宗筆。芬芳逸少池。名山纔十日。况值亂離時。

古廟春猶冷。荒攤氣獨完。異書歸掌握。喜色動眉端。墳籍搜陶穴。僧經出瓦棺。鳳銜時一遇。藻采起文瀾。

侯相曾文正。胸原富甲兵。簡書逢歲暮。燈火事宵征。磅礴英雄氣。纏綿友愛情。千秋名

不朽功業重儒生。

海王村畔路訪古萃時倫。名畫楊德祖。某古玩店有畫一卷署款楊修奇峰李正臣。鑑雅

齋有石山一座比之於東坡所題李正臣壺中九華螭文防鼎贗。魚目悵珠淪。得選君何幸。開函四座春。

我畫恒疏嬾。投繯作襪材。偶圖退舟叟。新自寶山回。酬絹于休烈。傾家任阿堆。憑君南

面擁。勘證辨桃萊。

退舟屬題曾批文選謹賦五律六首原作亦係五律六首孫雄

選理期精熟。怡怡棣萼歌。文心拳六代。忠骨蛻三河。翰墨餘靈氣。勳名感逝波。九嶷苦

烽火遺帙忍摩抄。

湘獄中興業。精誠格九穹。蜉衣思撼樹。蟻穴竟來風。食古胸能化。回天力自雄。淵雲兼

郭李未許薄雕蟲。

求闕題齋額。矍矍蹇蹇身。蠅頭三萬字。鶴化六千人。文正作溫甫哀詞云覆我湘天豈

炫書厨博。爭看墨彩新。縷裳餘血淚。銜恤涕霑巾。

文孫新委化宿諾待題碑。文正之孫君和襲侯廣鑾於庚申九月逝世易桓穀今消歇。

邢茅幾子遺。蝨吟兩都賦。

謂今日南北有兩政府

魚爛一枰碁。覆轍齊梁踐南皮。昔賦詩。

張文襄有哀六

朝詩云古人願逢舜與堯今人攘臂學六朝

茂叔研經史。江花筆吐芒。靈根鍾漢水。淑艾歧湘鄉。蠹字仙曾食。鸚洲草自芳。海王村。名。于。沽。酒。賸。空。囊。

羨子曹倉富。條然人海中。借鈔蘄勘誤。旁證戒談空。作賦慙孫綽。盈樽酌孔融。不須分。虎。鼠。哀詞云自謂我虎。鼠。虎。世棄如鼠。甘老蠹魚叢。

題曾文正手批文選呈退舟先生

張朝墉

舊書不厭百回讀。

成句

熟讀深思自剪裁。文選樓高人獨立。不知門外虎狼來。

藍墨參差任淺深。墓廬十日費沈吟。三河他日全忠孝。不負鳴原教弟心。卷地黃埃廠肆東。鳴鳩乳燕鬧春風。豈知蓀苑徵球璧。偏在殘書破寺中。蓋世勳名蓋世才。探源還自讀書來。漢陽或繼湘鄉學。香火因緣莫浪猜。

前題

黃維翰

購書求真跡。購本求精槧。結契在千秋。非徒快一覽。而况鄉先哲。勳業宋韓范。手批選

樓文藏珠發龍頤。周子有殊嗜。猶之芟與歠。得此乃大樂。啟篋發衆陷。湘鄉本儒將。軍容萬山巉。重以好謀成。而能自視歆。方其里居時。實抱風木感。旬日數萬言。藍墨紛黯黠。智勇何深沈。萬慮不能撼。推轂鑿凶門。顏行抗孰敢。周子富藏書。金匱而錦暉。爲文更深入。大衆服其膽。淪胥手待援。澄清轡可攬。平生尙友心。豈徒味橄欖。

前題

程炎震

昔聞李文饒。家誠蓄文選。湘鄉蹈丘軻。而不悔蟲篆。今觀所點勘。深入語無淺。琴材雖百衲。鼎味時一鬻。文章秘密藏。發覆啓關鍵。詎緣秀才爛。持爲午君勉。周侯精選學。江夏今李善。掇皮得皆眞。合矩了無偏。書羞旁證竊。文似連珠演。甘苦倘可言。吾當問輪扁。

前題

陳士廉

求闕吾私淑。劉盧况世親。

文正公姪孫俊師太守爲吾姊壻而太守之母又吾婦之姑也

追隨雖恨晚。契合或通神。手

校書增重眉。端墨尙新楚。弓勤拂拭幸。勿染緇塵。

亦有求書癖。常憂清俸微。鈔憐千鬼禿。借笑一鴟希。閱世人垂老。傳經願豈違。開尊許

同賞。應悔典春衣。

前題

路朝鑾

含咀成高論。遺編道藝傳。注精五臣外。鈔出百家前。愛弟華連萼。雄文筆似椽。選樓源可接。湘漢水洄沿。

前題

陳瀏

吾師薛司冠。允下筆何清剛。語其神妙處。絕似曾湘鄉。湘鄉官檢討。洊擢至侍郎。墨經返故里。校勘勤丹黃。蕭選百萬言。篇什殊浩穰。句梳而字櫛。腕脫指爪僵。批注首迄尾。不過十日強。精力迴過人。手蹟宜寶藏。湘鄉善爲文。留意於詞章。茲編課乃弟。友愛非尋常。後來勘大亂。雁行有輝光。勛名薄麟玠。侯伯聚一堂。我少掇丙科。及見曾忠襄。忠襄亦善書。今猶珍縑紉。公孫我同官。國變悲滄桑。西華衣葛帔。流離在道旁。茲編久蕭落。何時出巾箱。狼藉向冷攤。不知幾星霜。我友周評事。嗜古根肺腸。茲編一入手。不覺傾阮囊。捧手爭傳觀。錦譚誇池裝。卷頁甚完美。行楷彌精良。賦詩以寵之。音韵紛鏗鏘。評事熟選理。駢文高騰驤。昔賢躡顏謝。近代攀龔汪。宦游京國久。家世本漢陽。湘鄉隔